

# INUIT ATAQATIGIIT INATSISARTUNI



UKA2025/53  
12.11.2025  
Paarma Lund  
Kreutzmann

**Meeqqanik kinguaassiuutitigut atornerluinerup annikillisarnissaa siunertaralugu meeqqanik kinguaassiuutitigut atornerluisartut sakkortunerusumik pineqaatissinneqartarnissaat aammalu meeqqanik kinguaassiuutitigut atornerluisartut pinngitsaaliisummik nakorsarneqartarnissaat annertunerusumik ukkatarineqassanersut apeqquteqaat aallaavigalugu oqallinnissamik siunnersuut.**

(Inatsisartunut ilaasortaq Bo Martinsen Demokraatit)

Inuit Ataqtigiiinniit oqallisissiaq pingaarutilerujussuartut isigaat aamma sapinngisarput tamaat atorlugu pædofili aammalu kinguaasiutitigut atornerluinerit sorsunniarpagut.

Oqallisissiaq amerlasuunut sakkortusinnaavoq aamma amerlasuunut arlaatigut attuumassuteqarlunilu misigissutsigut aalassatitsisinnaavoq. Minnerunngitsumik aamma kamamik pilersitsisinnaalluni. Ajoraluartumik Nunatsinni eqqugaasartut amerlavallaarujussuarput.

Naalakkersuisup akissuteqaammini naqissuserpaa pædofili aammalu kinguaasiutinik atornerluisartut assigiinginneri. Tassanilu aamma kisitsisit misissorneqartariaqarnissaat, qanoq agguataarneri.

Kisitsisit annerpaaffiani allannguinnissaq pingaaruteqarmat.

Oqallisissiamut siunnersuuteqartup nakorsaatit atorlugit katsorsaaneq eqqartorpai, aamma isumaqarpunga eqqartugassaqqissuusoq. Kisianni aamma isumaqarpunga pisariaqartoq tassunga tungaatillugu ilisimasaqarluartunik akuutitsinissaq.

Nakorsaatit atorlugit katsorsaaneq imaanaangitsuvoq. Eqqarsartaatsikkut (Psykiskimik) kingunerluutissat annertusinnaaneri eqqarsaatigisariaqarput. Tassani aamma Naalakkersuisup eqqaavaa peqqinnisaqarfitsinnut eqquinaatiassasoq, kingunerluutit timikkut tarnikkullu ilisimaneqarmata.

Pineqaatissinneqarsimasut katsorsartittarnerat eqqarsaatigalugu, Inuit Ataqtigiiinni ersarissumik isumaqarpugut taama pinerluuteqarsimasut katsorsarneqassasut. Pinerlussimasunut kajumissaaraluni katsorsaaneq pinngitsuunngivilluni pisassasoq immaqaluunniit neqeroorutaassasoq oqallisigineqarsinnaavoq. Kajugissaarneqarluni katsorsartinneq

ajornartorsiutip qitianut paasinninnissamut aqqutaalluarsinnaavoq, taamaasillunilu pinerluuteqarsimasup imminut paasinninneranut tapertaalluarsinnaalluni. Inuk pinerluuteqarsimasoq pinngitsaalillugu katsorsarneraniit nammineeirluni toqqaanikkut iliuuserisamut paasinninnera annertunerussasoq isumaqarpugut, isumaqarpuguttaaq pinngitsaaliilluni katsorsaanerup siunertamut pitsaasumik angusaqarsinnaaneq ungasinnerulersissinnaagaa.

Oqallisissaq pingaarutilerujussuuvoq, taamaammat aamma Naalakkersuisup partiinut pinerluttulerinermut inatsit pillugu aggersaanera tigulluarlugu, tassuunakkullu immersueqataassalluta.